

होड़ो अकृतियार

रेअः

गोटा दिसुम रे उनुदुब्

10 दिसम्बर 1948 ई .रे जोड़ैन दिसुम(सैनी दिसुम) रअः "मरंग् हादरी दुनुब्" रे होड़ो अकृतियार रेअः गोटा दिसुम रे उनुदुब्को उदुब्तेयअः को हे केदा, ओड़ओः को उदुब् उतर केदा को। नेअ रेअः सोबेन जमा ओनोल उनुदुब् अयर रेअः पाठ रेअः सकम रे ओमा कना। ने ऐतिहासिक कमि तयोमते " गुसिया दुनुब् " रे गोटा दिसुम रेन गुसिया कोएते अरजी जना ओड़ओ को हे केदा। चिअः चि ने उदुबाकन सकम के जरुड़ ते जरुड़ नितिर मेनअः ओड़ओ दिसुम रेअः राइज रेअः रइन-गइन होराते हुड़िंग्-मरंग् भेद-भाव बेगर उडुःते होबाओ लगातिंग्आ। विषे लेकाते "इतुसई" ओड़ओ एटअः एटअः इतुसई" कोरे नेआ रेअः उदुनुब् पड़व ओड़ओ कजि बुसड़ लगातिंगअः।

नेअ उनुदुब् रअः सरकारी पाठ "सैनी जोड़ैनाकन दिसुम" कोरअः ने मोड़ेंया जगर कोरे नमोः तना। " अंग्रेजी ,चीनी ,फ्रांसीसी ,रुसी ओड़ओ स्पेनिष "रे। जगरसोंगरुवडाकन (उलथाकन) पाठ रेअः सकम रे जे ओलाकना,नेअ भारत सरकार होराते ओम केद् मंजुर उतर तयोम ते हे उतरा कना।

होड़ो अकृतियार रेअः गोटा दिसुम रे उदुब्

मुल कजि रअः(आमुख) रेद् कनाजि

चिअःचि होड़ो गोटा रेन सोबेन गुसिया कोआ जोनोम हुलंग् ते गे मइन मनारंग् ओड़ोः मइन ओड़ओ धइन कअ बिनगाओ अकृतियार रेअः हे गे सोबेन गोटा दिसुम-सुकु बिचार ओड़ोः आहडानड् रेअः बुटा रअः रेद् तना ।

चिअःचि होड़ो अकृतियारको रेअः दनंग्ओः ओड़ओ हिलंग् रेअः नलाते गे ने लेकन दुकुवन हिलंग्सितुरु हिलंग् कमि को होबायना। नेअते होड़ाकोअः जंग-जीव रे दुकु (ससति) को ओम केदा। चिअःचि मियद् ने लेकन सोबेन गोटा दिसुम-सोनोतोः (जुगाड़) रेअः एन कजि-कमि बइजन हुलंग्एते ओकोअः रे (चि होड़ो कोअः नतिन कजि, जगर बकड़ ओड़ोः धरम रेअः आहडानड ओड़ओ बोरो-सोरो ओड़ओ कजि जंजि ते दुनुः नमोःअ) सोबेन लेकन होड़ो को नतिन सोबेनअएते मरंग्उतर असरा ,सनंग् आद् विष्वास मेनते को उदुब् केदा।

चिअःचि एन लेका एना मेनते "एतकन उडुः पहम" ओड़ओ बिचार,राइज-पइट चलव ओड़ओ सितरु सधव रअः सनामंग् रे तिंगुकेटेःए नंग् एनाके अखरी होरा आद् उपाय मनातिंग् तन लोओ कअ लासुरेन लगातिंग्अः।मेनदो अइन-अड़िते, अइन-होरा बइकेद् ओड़ओ होड़ोअकृतियार को(बनचव) जोगव जतन आद् सोनोतोः पुरअः जरुड़ी मेनअः ।

चिअःचि "जोतो सैनी दिसुम "को तला रे "प्रेम- दुपुलाड़ सोंगोति जोटोःए " पोसा इदि जरूडी मेनअः। नेआ को हरा इदि केद् (हनारा) जरूडी मेनअः ।

एनानंग्, चिअःचि जोड़ेन दिसुम रेअः गुसिया दिसुम रेन होड़ो को बुटा रेअः होड़ो अक्तियार को रे , होड़ो गअः होड़ो गुण रेअः मनातिंग् मनारंग् ओड़ोओ कमि लयक रे ओड़ोओ हेरेल-एरा कोरअः बराबईर अक्तियारकोरे अपन विष्वास रेअः अक्तियार-सकम रे ओलरूअड़अकना (रूड़ाकना) ओड़ोओ नेया ठनव केदा को चि , पुरअः जद्का मरंग् अहडानड रेअः उम्बुलते समाज रेअः होरा हरा रकबोः ओड़ोओ जीदन रेअः बुगिन नतिन,ठाँव के चेतन रकब् लगातिंग्आ ।

चिअःचि गुसिया दिसुम रेन को नेअ को मोने केटेः, आद् किरिया-कसम केदा चि इनकु जोड़ेन दिसुम रेअः देंगाते ने होड़ोअक्तियारको रेअः ओड़ोओ बुटाअहडानड को रेअः बुटाकजि को नतिन गोटा दिसुम मइन रेअः (पोसा) हनारा (लगातिंग्) आद् हरा रकाबएबु ।

चिअःचि ने मोने केटेः कद् किरिया कसम कजि को सोबेन (गोटा) लेकाते कमि चबा दड़ि नगेन ने अक्तियारको ओड़ोओ अहडानडको रअः मुटन ठीक-ठीक बुजवेन आद् इतुन सोबेनअःएते जद्का जरूड मेनअः। एना नंग् ,नःअ दो,

मरंग्उतर हादरीदुनुब्

उदुब् कमिको नितिर तनए

"चि" होड़ोअक्तियारकोरेअःको नेअ गोटा ओते-दिसुम रे नितिर, सोबेन दिसुम ओड़ोओ सोबेन होड़ो को नंग् ते बराबरी जिनितव तनअः। नेअ रअः मोने सनंग् नेअ तनअः चि मिमियद् होड़ो ओड़ोओ समाज रेअः मिमियद् हनाटिड ने उदुब् के मिद् -इदि समनंग् रे दोहो तन लोःओते इतुन ओड़ोओ (सेंड़ो) इतु रेअः होराते नेअ रिका को सनंग् तना, चिअः चि ने अक्तियार को ओड़ोओ अहडानड को लगिन मइन मनारंग् मान-मरजाद ओम रअः (विचारोओः का) उडुः मोने रे बिरिदोः कअ , ओड़ोओ पुरअः जिनितव नगेन नेकन दिसुम ओड़ोओ बहिर सोबेन दिसुम लेकाते उपयओःका, विचारोओःका, ओकोनअते चि गुसिया दिसुम कोरेन होड़ोको ओड़ोओ इनकुआ होराते एसेराकन राइज -दिसुम को रेन होड़ोको ने अक्तियारकोरेअः गोटादिसुम ओड़ोओ जीउ रचअःगो लेकन हे मेने कअको ओड़ोओ एना को लेकाते सेना रिका केद् ,मनातिंग् रिकाएकअको ।

तनब् 1: सोबेन होड़ोको के मनरंग् ओड़ोओ अक्तियार को रेअः पइति-बाबत रे जनम जोरोंगएते अहडानड ओड़ोओ बराबरी नमा कना। इनकु के सेंड़ो ओड़ोओ-जी पेडेः, जीउ रेअः एनेमको नमा कना ओड़ोओ इनकु लोओःते हगेया-वोया लेका जगर बकंड लगातिंग्अः।

तनब् 2: सोबेन को के ने ओलाकन नितिर सकम रे मेनअःकन सोबेन अकतियार ओड़ोओ अहडानड को के नाम रेअ हक मेनअःगा ओड़ोओ ने ममला रे जति, वर्ण (जति),लिंग(जति), जगर ,धरम ,राइज रअः अइन कअ रे एटअः बिचार-उडुः, गोटा-जति, जान दिसुम कअ समाज विषेय रे जनम ,खुरजि कअरे जा रकम रेअः एटअः बिचार ,सनंग् लेकानअः कोरअः करन् मरंग् हुडिंग् भेदभाव रेअः बिचार अलोका ओड़ोओ अलो होबाओःका ।

नेअ बगेकेअते,जॉन एटअः दिसुम कअ रे, राइज अहडानडगे,बनचवकनकअ, कअ रे ऑवगे अयअः कअ अइन- अडि राइज, बनो कअ रे सिमान-सतार ओता लतर रेज् राइज तेयअः तना रे दो एन दिसुम कअ रे राइज रेअः रइन-गइन राइज सोसोंगा ओड़ोओ एटअः अंतर दिसुम रेअः 'सिमान सतर रे एटअः रेअः (गोटा) दिसुम ' रअः स्थिति टेका लेकाते एनतअः रे तइनोःओ तन होड़ोको नंग्एते जॉन बिनगा अलो दोहोओःका ।

तनब् 3: मिमियद् होड़ोगअः जीद्न अहडानड ओड़ोओ अयअः अयअःहोड़ो गुण बनचव रअः अकतियार मेनअः ।

तनब् 4: जेता होड़ो गे दासीन कअ रे, दासीयन दसा रे अलोको दोहोओःकअ ,दासीबाबई-अइन-अडि ओड़ोओ दासीयाकन दासीको के किरिंग्-अकरिंग् कमि रअः कमि-धन्धा अयअः सोबेन लेकाते कोनोटोंग्ओ ।

तनब् 5 : जॉए के गे होड़मोससति,दिक्दिक्-दुकु अलोओमोःका ओड़ोओ जेतएअः नगिनगे खिस्कुरकुरेन,ओड़ोओ सितुरूकमिहोड़ो ओड़ोओ बेईमाइन हिलंग् कमिको अलोका होबाओःका ।

तनब् 6 : मिमियद् निः के सोबेन टयद् तअः रे अइन रेअः नेपेल समनंग् रे होड़ोअः मुटन रे हे-नम रेअः अकतियार मेनअः ।

तनब् 7: अइन रेअः समनंग् रे सोबेन मिद् बराबरी गे मेनअःको ओड़ोओ सोबेन बेगर हुडिंग्-मरंग् ते मिद्गे अइन बनचव रअः गुसिया तन को । ने उनुदुब् के अदुल केअते ने रेअः जॉन हुडिंग्-मरंग् को रिका के रे कअ रे, एन लेकन हुडिंग्-मरंग् को के जा रकम ते उसकुर के रेदो ,एनका रेदो इनिअः कमि कोटोंग् रे बराबरी बनचव रअः अकतियार सोबेनको नमाकना ।

तनब् 8: सोबेनको "मरंग्उतरअइन-अडि" (संविधान) कअ रे अइन होराते नमाकन बुटा रेअः अकतियार को अइन-अडि अदुल निःअ कमि को रेअः कमि कोनोटोंग् रे सोबेन "गोटादिसुम रअः दिसुम कट्गरहा "(अदालत) कोयते कमि (जिनितव) देंगा नाम रेअः हक मेनअः ।

तनब् 9: जाँए केओ गे अयअ: मोने मतलब मनमाऊजी होराते ससब्-तोनोल,ओडअ:रे हपे-हन्डेद् उकु-दनंग कअ रे दिसुमएते-हरगिड़ि देसा-बहार ओड़ोंग् कअको रिकादड़िया ।

तनब् 10: सोबेनको मिदलेक्, बराबरी रेअ: हक मेनअ: चि इनकुअ: अक्तियार ओड़ोओ लगातिंग् को के मोने-ठनव रेअ: ममला रे ओड़ोओ इनकुअ: चेतन रेअ: गुनाह-चिटा लदियान रेअ: जाँन ममला रे इनकुआ अयुमो: बिचार ठीक ओड़ोओ सोबेन को नंग् सोबेन लेकाते बेगर भेद-भाव ओड़ोओ बेगर पक्ष -पात (निष्पक्ष) कट्गरहा होरा ते होबाओ का ।

तनब् 11 (1) मिमियद् होड़ो , ओकोनि:अ चेतन रे चि सजई नमो: लेकन गुनाह रेअ: चिटा तअ:ईअको इमतंग् लो:ओ जकेद् गुनाह कअ मनातिंग्ओ:आ, चिमतंग् लो:ओ सनते इनि:के निजाकन कटगरहा रे ,ओकोतअ: रे इनि: अयअ: फरचिन गुनाह ते अपन रेअ: सोबेन लगातिंग् जरूड़ी सुविदा को नमो:अ ,अइन रेअ: होरा ते गुनाहकद् नि: आऊरी गुनाहगार चिना उरुमउतर दड़ियोका ।

तनब् (2) जाँए गे, होड़ो जान अ: गे एनलेकन रिनिका कअरे कअरिनिका(अदवॉती) लेकाते एन सजई नमो: गुना रेअ: कअगुनाह नि: मनातिंग्ओ:अ ,तोबे जकेद् एनाके एनबेड़ा रे तइन तन दिसुमरे कअ रे गोटा एटअ: अंतर दिसुम रअ: अइन रेअ: होरा ते गुनाह चिटाओ लेकन सजईगुनाह अलोकामनातिंग्ओका ओड़ोओ ऐनाएते हो पुरअ: तिम्बा हम्बल सजईओ को ओमदड़िओ:अ ,जे एन इमतंग् ओम दड़िओ:तेअ: होनंग् जे इमतंग, चि चिमतंग् इनि: सजईओ:अ गुना रिका लअ:ए ।

तनब् 12 जअ होड़ोअ:गे एसकर तइनो:,खानदान -ओड़अ:,ओड़अ: कअ रे चिट्टि ओलओपोम को नंग् रे जाँन मोने मतलब मनमौजी तला रे अलोका कजि कमिओ अलोकोटोंग्ओ:का ओड़ोओ जायअ: मइन ओड़ो: मनरंग् चेतन रे जेतन-चिटा को अलोकअ होबा दड़िओअ । नेलकन कजि कोटोंग् कअ रे चिटा को रेअ: बिरूद् रे मिमियद् होड़ो के अइन होरा ते बनचव रअ: अक्तियार नमा कना ।

तनब् 13: (1)मिमियद् होड़ोको मिमियद् दिसुमरअ: सिमान सतर को रेअ: बितर रे अहडानडउतरगे हिजु:-सेनो: ओड़ोओ बसा तइनो: रअ: अक्तियार मेनअ: ।

(2) मिमियद् होड़ोको अयअ: कअ रे जाँन एटअ: दिसुम के बागे ओड़ोओ अपन दिसुम ते हिजु:रूअड़ रूड़ा रअ: अक्तियार मेनअ: ।

तनब् 14 (1) मिमियद् होड़ोके साधव कि रे, एटअ: दिसुम रे सेन जपअ:गेन तइनो:, ओड़ोओ डेरा-बसा तइनो: रअ: अक्तियार मेनअ: ।

(2) ने अक्तियार रेअः फायदा एन लेकन मामला कोरे कअ नमोगा जे सनरती रे बेगर—राइज रइन—गइन गुनाहको लोःओ जोडेन मेसा कना, कअ रे जे जोडेने दिसुमको रेअः मोने—मतलब को ओड़ोओ मूल कनाजि (सिद्धांत)को रअः खिलाफ रे कमिया कना ।

तनब 15 (1) मिमियद् होड़ो के जॉन दिसुम—विषेय रअः होड़ोदुब्बसान थनियारेन (नागरिकता) रअः अक्तियार मेनअः ।

(2) जाँ के रेयो गे मोने मतलब लेकाते होरा ते अपनअः दिसुम रेन होड़ोदुब्बसानथनियारेन एते कए बगेगिड़ि दड़िओःअ कअ रे दिसुम होड़ोदुब्बसानथनियारेन एते बदलिन अलोकए केसेद् दड़िओःकअ ।

तनब 16 : (1) बाहॉन्डा दअः हरा रकबोः तन दंगड़ी, एरा —हेरेलको बेगर जान जति ,दिसुमन कअ रे धरम रअः कोनोटोंग् कोए ते मिद् एटअः निः लोःओते अडॉदिन—कोड़ॉदिन ओड़ोओ ओड़अःगोट बसान (स्थापना) रअः अक्तियार मेनअः । इनकिन के अडॉदिन रअः पइति रे अडॉदिन जीदनरे,ओड़ोओ ससंहद्केदछाडी—छापाडीन(अडॉदिन—बपागिन)(विवाह—विच्छेद) कोरअः कजि कोरे रे मिद् बराबईर अक्तियार मेनअः ।

(2) अडॉदिरअः मोने—बिचार मोन दोहो तन एरा —हेरेल,दंगड़ा—दंगड़ीको के पुरामोनकेटेः आद् अहडानड हे उतर मंजुर रे नंग गे अडॉदिन होबा दड़िओःअ ।

(3) ओड़अःगोट समाज रेअः चलन सिङ्गएनेमाकन (स्वाभाविक) बुटा ओड़ोः बुटा रअः गोट (हनाटिंग्अकन) बुटा आद् कोतो तनअः ओड़ोओ इनिः के समाज ओड़ोओ रइज—होरा ते बनचवनम रअः अक्तियार मेनअः ।

तनब 17 (1) मिमियद् होड़ोके एसकर ओड़ोओ एटअः कोलोः मिसाते मेसाकोओएते मिद् उडुः—बिचार दोहो रअः अक्तियार मेनअः ।

(2) जाँ केओ हो गे, मोनेमतलब सेंडॉ ते अपन अयअः विचारएते अलोकए गन्डेउतारोःओकए ।

तनब 18: मिमियद् होड़ो के उडुः जी मोनरोऑ ओड़ोओ धरम अहडानड रअः अक्तियार मेनअः । ने अक्तियार रअः जपअः तला रे (अन्तर्गत) अपन अयअः धरम कअ रे विसुवास बदलि ओड़ोओ एसकर कअ रे एटअः कोलोःते मिसाते मेसा कोएते ओड़ोओ सोबेन होरा रे ओड़ोओ अयअः लेकाते हे उतर ते अपन धरम चाहे रे विसुवास रअः ईतुन कमिरिनिका,बोंगा—बुरू ,ओड़ोओ नेग—दस्तूर परब रेअः होराते निनितिर रअः अहडानड मेनअः ।

तनब् 19. मिमियद् होड़ो के विचार उडु: ओड़ोओ इनि:अ उनुदुबेन जगर-बकंड रेअ: अहडानड रेअ: अकृतियार मेनअ:। नेअ रअ: जपअ: तला रे (अन्तर्गत) बेगर जॉ नअ: कजि होटोर कोटोंग् ते जॉन सलाह उदुब् विचार दोहो ओड़ोओ जॉन रकम ते तला-मला रअ: होरा ते ओड़ोओ सिमन-सतर को रअ: परवाह बेगर ते जाए अ: कजिउदुब् ओड़ोओ "सलाह सला-पीतिदड़रूअड़"(धारणाकाअन्वेषण)रअ:अयुम"तेलामंजूरइदिलेकन"ओड़ोओ एमो:नम लेकन मेसा कना।

तनब् 20 :(1) मिमियद् होड़ो के सुकुअन हादरी (दुनुब्) रिकाएरअ: कअ रे समइति बाबई रअ: अहडानड रेअ: अकृतियार मेनअ:।

(2) जॉन होड़ो के गे जाए अ: जॉन कमिइतुनओड़अ: (संस्था) रेअ: गुसिया बइ नगेन जोर जबरई कए रिका दड़िओ:।

तनब् 21. (1) मिमियद् होड़ोके अयअ: दिसुम रअ: रइज-पइट रे "सोजमुटनसनमंग्"(प्रत्यक्ष) ते कअ रे अहडानड मुटन ते सलाकन अगुवा कोअ: होरा ते (सेनजमा जपअ:गेन दुनुब् दुब् इदिन) हिस्सा अऊ रेअ: अकृतियार मेनअ:।

(2) मिमियद् होड़ो के अयअ: दिसुम रेअ सरकारी नुकुरीको के नमदड़ि रअ: मिद्लेका अकृतियार मेनअ:।

(3) सरकारगअ: पेड़े:रेअ: हुदान रेअ: पेड़े:बुटा तनअ: "रेद्-बुटा,बोटा"(आधार) दिसुम परजा कोअ: सनंग् गे होबाओ:अ। ने सनंग् रअ: उनुदुब् बेड़ा बेड़ा रे ओड़ोओ सनरती सनला होरा ते होबाओ:अ। ने सला सानला सोबेन दिसुम ओड़ोओ मिद् उडु: अकृतियार होरा ते होबाओ:अ ओड़ोओ उकु-दनंग्-हपा के ते (बोट एम) मतदान होरा ते कअ रे जॉन एटअ: मिद् अहडानड (वोट एम) मतदान होरा-पड़ि (पद्धति)ते रिका रिकएअ:को।

तनब् 22: समाज रेन मियद् गुसिया रेअ मुटन रे मिमियद् होड़ो के समाजिक रइन-गइन बनचव रअ: अकृतियार मेनअ:, ओड़ोओ मिमियद् होड़ो के अयअ: होड़ोगुणरअ: एन "अहडानड सिपिंग्कब् हानरा" ओड़ोओ मनारंग् नंग् जे दिसुम होरा ते कअ रे एटअ: अंतड़ दिसुम देंगा ते ओड़ोओ मिमियद् रइज रेअ: सम्बुद्गोट ओड़ोओ जिनिस् कोरअ: जोका-जोनोका तइनो:का। जरूड़ी धनखुरजी जीनिस्,समाजिक नेग-दस्तूर ओड़ोओ ससंकिर रइन-गइन अकृतियारको के नम रअ: हक मेनअ:।

तनब् 23. (1) मिमियद् होड़ो के कमि लगिन,सनंग् लेकाते कमि रअः सला ,कमि रअः (ठीक) उचित ओड़ोओ सुकुवन दसा को के नम लगिन ओड़ोओ ऑवहोनोरबड़ा(बेकारी) समा रे तइनोः ते बनचवेन दुनुः नम रअः हक मेनअः ।

(2) मिमियद् होड़ो के मिदलेकन कमि लगिन बेगर जाँ नअः हुड़िङ्ग्—मरंग् ते मिद् बराबरी नला नम रअः अक्तियार मेनअः ।

(3) मिमियद् होड़ो के जे कमि तनए, अक्तियार मेनअः चि इनिः निमिनंग् कमि अपसुल नला नमेका चि, एनाते इनिः अयअः नंग् ओड़ोओ अयअः गोट लगिन नेकन कमि अपसुल नला रअः जुगड़ दड़िकाए ,जे होड़ोअःमनरंग् लगिन होबा दड़िओका ओड़ोः लगातिङ्ग् गरज कअ नोः रे इनिःअ होबा एटअः लेकन समाज रेअः रइन—गइन बनचव तेअः को रअः होरा ते होबा दड़िओःकए ।

(4) मिमियद् होड़ो के अयअः हित रअः बनचव लगिन “कमियाहोड़ोगोट”(श्रमजीवी संघ) बाबई ओड़ोओ एनारे हिसा जमान रअः अक्तियार मेनअः ।

तनब् 24. मिमियद् होड़ो के सथवेन ओड़ोओ कमि होका रअः अक्तियार मेनअः । नेअः रअः तला रे कमि रेअः बेड़ा रअः ठीक कमिया गोनोङ्ग् (हदबन्दी) ओड़ोओ बेड़ा—बेड़ा रे नला लोःओते कमिहोकन तेयअःको ओ जोटोःअकना ।

तनब् 25. (1) मिमियद् होड़ो के नेकन जीदन् बराबईर नम रेअः अक्तियार मेनअः जे इनिः ओड़ो इनिःअ गोट रअः बुगिनोःओ ओड़ोओ बुगिनअः लगिन होबाओःका । नेआ रेअः होराते(अन्तर्गत)जोम, लिजअः (किचरी) ,ओड़अः रेद्—रानु सेवा—सुसुरसा ओड़ओ सुबिसता को ओड़ोओ लगातिङ्ग् समाज रेअः रइन गइन सेवा को मेनअःगा आद् मेसा—कोसा कना । सोबेन को के (सिथिया) समा, रोगो, कमजोर (नरा—दुरा), बइद् ,हड़मओ कअरे एटअः जाँन नेकन बेड़ा (दसा) रे कमि नला (अपसुलो) रेअः जिनिस कअ तइन कोःओ रे जे इनिअः तिःइते कअ होबादड़ियन मेनअः,बनचव रअः अक्तियार नमाकन मेनअः ।

(2) होन ओड़ोओ एंगा(होन—होपोन) के मुद् देंगा(खास मदद), ओड़ोओ सुविसता रअः हक मेनअः । मिमियद् होन के इनिः ओकोनिः अड़ोदियाकन एंगाएते जनम कना चाहे कअ अड़ोदियाकन कुड़ि एते ,मिद् बराबाईर समाज रइन —गइन बनचवय नमेंया ।

तनब् 26. (1) मिमियद् होड़ो के सेंडॉइतनु (सेंड़ानम) रअः अकृतियार मेनअः। इतुन बेड़ा एनेटेः रे सेंडॉ इतुन जरूड़ी मेनअः ओड़ओ बुटाइतुनबेड़ा रे कअगोनॉंग्(निःषुल्क)गे होबाओःअ। एनेटेः इतुन जरूड़ी (मेनअःगा) हार लगातिंग्अः। टेकनिकल, कलपुरजा (कलबड़यकलपुरजा) यांत्रिक ओड़ोः नला-जोड़न इतुन ऑवलेकाते नमोगा ओड़ोओ मरंग्उतर इसुकुल रे सोबेन को के कमिपरधिया(योग्यता) होराते बराबाईर मुटन नम दड़िओःअ।

(2) इसुकुल इतुन रअः मतलब होबाओ होड़ोगुण रअः सोबेन हानरा, ओड़ोओ होड़ो अकृतियारको ओड़ोओ सनरती बुटा – अहडानड को लगिन ते मइन धइन रअः उनुदुब् गरंग (पुष्टि)। इतुन होरा ते दिसुम ,जाति कअ रे धरम रअः धरम गोट जुम्बुलाए को रअः तला मिद् एटअः निः लोते प्रेम-दुपुलाड़-उपुदुबेन (सद्भावना) सहतिंग्जुकुर (सहिष्णुता) ओड़ोओ संगी-साहिया रअः हानरा होबाओःअ ओड़ोओ सुकु –चाईन बड़ केद् दोहो लगिन जोड़न दिसुम को रअः जोर कमि के अयर ते हरा अयर इदिओःका।

(3) एंगा-अपु किनअः सोबेनएते सिदा ने कजि रअः अकृतियार मेनअः चि इनकिनः सला दड़ियअकिन चि ओको रकम रअः इतुन अकिनअः होनको के ओमोःओ लगातिंग्अः।

तनब् 27. (1) मिमियद् होड़ो के अहडानड हे गरंग् समाज रेअः नेगी-जुगी रइन-गइन जीद्न रे हिसा आऊ, (अकादन्दा बनाई) कला को रअः सुकु रसिका आऊ, ओड़ोओ (वैज्ञानिक)सनरती बयबुतिद् हानरा ओड़ोओ इनिःअ सुविदा को रे हिसा आऊ रअः हक मेनअः।

(2) मिमियद् होड़ो के जा नअः गे नेकन वैज्ञानिक, सनरती सइति कअ रे अकादनदा कमि ते बड़ओड़ोंगअकन बुगिनकमि ओड़ोओ धन-खुरजी रेअः बनचव रअः अकृतियार मेनअः ओकोनअः इनिः ओल बनि बड़निः अएः गे ।

तनब् 28. मिमियद् होड़ो के नेकन समाज रअः ओड़ोओ एटअः अंतर दिसुम (अइन-अड़िबनाई सोनोतोः) (व्यवस्था) रेअः नम रअः अकृतियार मेनअः ओकोनअः रे चि ने उनुदुब् रे ओल उदुबाकन अकृतियार को ओड़ोओ अहडानडको के सोबेनअः नमदड़िओका।

तनब् 29 (1) मिमियद् होड़ोअः एन समाज लगिन लगातिंग् मेनअः नेआ रे तइन कोओएते इनिअः होड़ो गुण रअः अहडानड ओड़ोओ सोबेन हानरा, हरा रकब् होबा दड़िओःअ ।

(2) अपन अक्तियार को ओड़ोओ अहडानड को रअः कमि रे अगु तन लोओःते मिमियद् होड़ो बारी नेका गे सिमान को रअः होराते (गोःए) चबा इदिओःगअको ,जे

अइन होरा हे उतरोःआ ओड़ोओ ओकोनिअः मियद् हेरेड मोनमतलब (उदेदष्य)एटअः कोअः अक्तियारको ओड़ोओ अहडानड को लगिन मइन ओड़ोओ जोतो हे गरंग् नमदड़िओःअ । ओड़ोओ इनिअः लगातिंग् मियद् सोबेन बराबईर दुबूतिंगुनअखड़ा (प्रजातन्त्रात्मक) समाज रे बुगिन सनंग सोबेन को लगिन जुगड़. ओड़ोओ बराबईर जोतो बेगिनअः रअः बुगिन लगातिंग् तेअः को पूरालगातिंग् होबाओःअ ।

(3) ने अक्तियार को ओड़ोओ अहडानड को के कमि आऊ जा रकम तेओ गे सोबेन जोड़ेन दिसुम को रअः सिद्धान्त ओड़ोओ मोने—मतलब को रअः खिलाफ कअ को रिकाएअ ।

तनब् 30: .ने उनुदुब् रे ओलकन (ओल उदुबकन) जान कजि रेअः गे नेअ माने कअ लगावे चाही । ओकोनअःएते नेअ अटकारोका चि जॉन राइज ,गोट कअ रे होड़ो के गे जॉन नेकन जोर रे जोटोःओगेन कअ रे नेकन कमि रिकाए रअः अक्तियार मेनअः, ओकोनअः रअः मतलब नेतअः रे उदुबाकन अक्तियार को ओड़ोओ अहडानड कोअएते जॉ नअः रअः गे कअ रे जॉए अःगे छितिछान आद् बिदिरबिनास (नोकसान) होबाओःअ ।

मुण्डारी साहित्यकार

रेमिस कंडुलना

ओड़ओ अश्रीता कंडुलना